

PANITIKAN HINGGIL SA ISYUNG PANGMANGGAGAWA,PANGMAGSASAKA,AT PAMBANSA

Mga Nilalaman

Isyung Pangmangagawa at Pangmagsasaka Pambansa

Ano ang Isyu?

Ito ay tumutukoy sa mga mahahalagang balita o kaganapan sa loob at labas ng bansa na may malaking epekto sa lipunan. Kadalasang napapanood o naririnig sa media tulad ng radyo, TV, at internet.

Isyung Pangmagsasaka

Tumutukoy ito sa mga isyung kinahaharap ng mga magsasaka, gaya ng presyo ng produkto, bentahan sa ibang bansa, at kahirapan. Isa itong mahalagang aspeto sa ekonomiya ng bansa.

Isyung Pambansa

Ito ay mga isyung panlipunan na may malawak na epekto sa iba't ibang sektor tulad ng pamilya, simbahan, edukasyon, at ekonomiya. Ilan sa mga halimbawa ay:

- West Philippine Sea dispute
- Traffic at mass transportation
- Pandemya ng COVID-19

Tula: "Alay sa mga Frontliners sa COVID-19" ni Malou Tiangco

Sa inyo aming alay

Kayong nagliligtas ng buhay

Meron din kayong pangamba

Bagsik na dala ni Corona

Kayong humaharap sa nakaambang panganib

Nanaig ang katapatan sa sinumpaang katungkulan

Kahit nasa bingit ng kamatayan

Usal na dasal makaligtas sana.

Gapiin ang kamandag ni Corona

Huwag magwagi bagsik ni Corona

Naririnig namin usal ninyong hiling

Taimtim na panalangin

Matapos na sana, salot ni Corona

Matigil na ang mga palahaw ng mga naulila

Matigil na ang salot na dulot
Matigil na bumabalot na lungkot!
Naririnig namin, taimtim nyong panalangin
Mailigtas ang buhay, di na madagdagan dumaragsang bangkay...
Naririnig namin taimtim nyong panalangin
Matapos na
Magapi na
Kamandag ni Corona
Upang makauwi naman
Makapiling mga mahal sa buhay!
Dalangin nyo, tumatagos sa hangin
Dalangin nyo, aming naririnig
Sinasabayan namin inyong panalangin
Sana'y makamtan nga inyong hinihiling...
Matapos na
Magapi na
Kamandag ni Corona
Matigil na bumabalot na lungkot
Matigil na takot na dulot
Matigil na...!

Isang tula ng pasasalamat at panalangin para sa mga frontliners na humaharap sa panganib upang makapagligtas ng buhay sa panahon ng pandemya. Nagpapahayag ito ng pag-asa na magwawakas din ang krisis.

Buod ng Ibong Mandaragit ni Amado V. Hernandez

Ang nobela ay umiikot sa buhay ni Andoy, isang alila na naging gerilya sa panahon ng Hapon. Nahanap niya ang kayamanang itinaon ni Padre Florentino mula sa El Filibusterismo, at pagkatapos ay nagbalatkayo bilang si Mando Plaridel, isang peryodistang itinatag ang Kampilan, isang makabayang pahayagan.

Sa kanyang pagbabalik mula sa ibang bansa, patuloy siyang lumaban sa katiwalian ng gobyerno at pinagtanggol ang karapatan ng mga magsasaka. Naipakulong niya si Don Segundo, isang makapangyarihang tao at dating among mapang-abuso. Sa huli, ipinaglaban ni Mando ang pag-ibig at katarungan sa pamamagitan ng peryodismo at aktibismo.